

ČOAHKKINÁIGI	23.3.2010 dmu 12.00-13.20		
ČOAHKKINBÁIKI	Ohcejoga gielddadállu, váldostivrra čoahkkinsále		
ČOAHKKINLAHTUT (ja merken, gii doaimmai ságadoallin)		Mielde	Eret
	Guttorm, Veikko	x	
	Punna, Seppo	x	
	Tapiola, Uula	x	
	Aikio, Mika	x	
	Eriksen, Kati	x	
	Guttorm, Rauna	x	
	Guttorm, Väinö	x	
	Hekkanen, Raimo	x	
	Härkönen, Esko	x	
	Katekeetta, Antti	x	
	Kordelin, Marjatta	x	
	Lohi, Juha	x	
	Niittyvuopio, Aslak-Ilkka		x
	Tapiola, Ilmari		x
	Tenoranta, Jarkko	x	
	Paltto Samuel, värreáirras	x	
	Morottaja Pentti, värreáirras	x	
EARÁ, GEAT LEDJE MIELDE (ja mieldeorruma vuodđu)	Viljo Pesonen, gielddahoavda Marja Stenberg, beavdegirji čáli Leena Aikio, dulka Arja Alaraudanjoki, rektor-čuvgehusdoaimmahoavda Hanna-Leena Talvensaari, vd. ovddidan- ja ealáhusuoavda		
BEAVDEGIRJI VUOLLÁIČÁLLIN JA NANNEN	Ságadoalli	Beavdegirjedoailli	
	Veikko Guttorm	Marja Stenberg	
BEAVDEGIRJI DÁRKKISTEAPMI Beavdegirji lea dárkkistuvvon ja dat vástida čoahkkin- giedahallama. Beavdegirji giedahallanládiide letne (leat) merken namma- bustávaideame(t)	Dárkkistanáigi		
	Vuolláičállosat		
	Seppo Punna	Uula Tapiola	
BEAVDEGIRJI LEA DOLLOJUUVON ALBMOŠIS	Báiki ja bvm		
	Ohcejoga gielddadállu 6.4.2010		
	Virgi		

---

**Čoahkkima lágalašvuohta ja mearridanváldi – ášši nr 1**

23.3.2010

Váldostivra 1 §

Gieldda váldostivrra čoahkkinbovdehus lea sáddejuvvon váldostivrra áirasiidda, gielddaráđdehusa ságadoallái, gielddahovdii ja gielddaráđdehusa lahtuide 16.3.2010. Čoahkkinbovdehus lea seammá beaivve biddjojuvvon albmosii gieldda almmuhantávvalii. Gulahus váldostivrra čoahkkimis lea leamaš maiddái Inarilainen -aviissas. Čoahkkima beavdegirji dollojuvvo albmosis 6.4.2010.

**Mearráduš:** Gávnnahuvvui, ahte čoahkkin lea lágalaččat čoahkkái dáhttojuvvon ja lahttologu hárrái mearridanválddalaš.

Nammačuorvumis ledje mielde 13 fásta áirasa ja 1 várreáirras. Nammačuorvunlogahallan čuovusin nr 3. Ohcejoga sámit -oktasašlisttu áirras Ilmari Tapiola lei almmuhan eastaga čoahkkimii oassálastimii. Sutnje lei bovdejuvvon várrelahtun Ohcejoga sámit -oktasašlisttu 3. várreáirras Samuel Paltto. Ohcejoga sámit -oktasašlisttu áirras Aslak-Ilkka Niittyvuopio lei almmuhan eastaga čoahkkimii oassálastimii. Sutnje ii fidnejuvvon várrelahttu.

---

**Beavdegirjedárkkisteaddjiid válga – ášši nr 2**

23.3.2010

Váldostivra 2 §

Gieldda váldostivrra bargoortnega mielde guđege čoahkkima várás  
válljejuvvojit guokte beavdegirjji dárkkisteaddji.

**Mearráđus:** Beavdegirjedárkkisteaddjin válljejuvuiga Seppo Punna ja  
Uula Tapiola.

---

Váldostivrra čoahkkima bargoortnega dohkkeheapmi – ášši nr 3

23.3.2010

Váldostivra 3 §

**Evttohus:** : Váldostivra dohkkeha čoahkkináššiid gieđahallanortnega evttohuslisttu mielde.

**Mearráduš:** Gieđahallanortnet dohkkehuvvui evttohuslisttu mielde.

Ášši nr 7 Dáhkádusa addin Kiinteistö Oy Ringinvatroi gieđahallama maŋŋá váldostivrra ságadoalli Veikko Guttorm sihke rektor-čuvgehusdoaimmahoavda Arja Alaraudanjoki luohpadeigga lektor Jorma Autioi Dásseválddi Presideantta 6.12.2009 mieđihan Suomen Valkoinen Ruusu I luohká medálja golleruossaiguin.

## Gieldda almmuhusaid diehtun addin jagi 2010 – ášši nr 4

3.2.2009

Gr 45 § Gieldalága 64 § mielde gieldda almmuhusat addojuvvojit diehtun almmuhemiin daid almmolaš gulahusaid almmuhantávvalis sihke dárbbu mielde gieldda mearridan eará vugiin.

Gieldda almmuhusat leat jagi 2009 almmustahttojuvvon almmuhantávvala lassin Gáregasnjárgga ja Njuorggáma áššealmmáipoasttain, kirkosiidda girjerájus, girjebusses, gieldda www-siidduin sihke báikkálaš Inarilainen-aviissas. Lassin čoahkkinbovdehusat ja beavdegirjjit leat sáddejuvvon diehtun giliviessu Sáivui.

Almmuhusaid haddi báikkálaš Inarilainen -aviissas jagi 2009 lea leamaš 360,00 euro/mb nuppiin sániin 4.320,00 euro/jahki (sisttisid. álv 22%). Haddi lea leamaš mánotbaji guovdu seamma almmuhusaid mearis beroškeahtta.

**Evttohus:** : Gielddaráđdehus evttoha gielddastivrii, ahte dat dohkkeha Inarilainenena fálaldaga 360,00 euro/mb nuppiin sániin 4320 euro/jahki (sisttisid. álv 22%) ja mearrida almmuhit gieldda almmuhusaid jagi 2010 seamma láhkai go jagi 2009.

**Mearráduš:** Evttohus: dohkkehuvvui.

23.3.2010

Stivra 4 § **Evttohus:** Váldostivra dohkkeha gielddaráđdehusa evttohusa.

**Mearráduš:** Evttohus dohkkehuvvui.

Diehtun: Inarilainen  
hálddahušgottit

---

Davvi-Lappi guovlluoktasašbarggu gieldaovttastumi ruhtadoalldárkkisteaddji välljen – ášši nr 5

17.2.2010

Gr 52 §

Davvi-Lappis guovlluoktasašbarggu gieldaovttastumi vuodđosa-ahpamuša 9 §: mielde lahttogiieldaid váldostivrrat välljejit gieldaovttastumi ruhtadoalldárkkisteaddji dárkkistanlávdegotti Evttohusa vuodul. Dárkkistanlávdegoddi lea mearridan evttohit lahttogiieldaid váldostivrraide gieldaovttastumi ruhtadoalldárkkisteaddjin Pohjolan Tilintarkastus Oy jagiide 2009 – 2012 oppalašekonomalaččat hálbimus fáaldaga dahkin.

**Evttohus:** : Giieldaráđdehus evttoha váldostivrii, ahte dat dohkkeha Davvi-Lappi guovlluoktasašbarggu gieldaovttastumi dárkkistanlávdegotti Evttohusa gieldaovttastumi ruhtadoalldárkkisteaddjis jagiide 2009 – 2012.

**Mearráduš:** Evttohus dohkkehuvvui.

23.3.2010

Váldostivra 5 §

**Evttohus:** : Váldostivra dohkkeha giieldaráđdehusa evttohusa.

**Mearráduš:** Evttohus dohkkehuvvui.

Diehtun: Davvi-lappi guovloovttasbarggu gieldaovttastupmi

---

Loatnaváldinfápmudusa miediheapmi – ášši nr 6

19.1.2010

Gr 10 § Jagi 2010 bušeahtas lea ráhkkanuvvon 0,5 miljon euro loatnaváldimii.

**Evttohus:** : Giieldaráđdehus bivdá váldostivrras loatnaváldinfápmudusa bušeahta mielde.

**Mearráduš:** Evttohus dohkkehuvvui.

23.3.2010

Váldostivra 6 § **Evttohus:** : Váldostivra miedeha giieldaráđdehussii bušeahtaárvalusa mielde loatnaváldinfápmudusa 0,5 miljon euro.

**Mearráduš:** Evttohus dohkkehuvvui.

Diehtun: Giieldaráđdehus

## Dáhkádusa addin Kiinteistö Oy Ringinvatroi – ášši nr 7

17.2.2010

Gr 65 § Kiinteistö Oy Ringinvatro lea evttohan gildii, ahte gieldda mieđihivččii vuosttassaji dáhkádusa fitnodatsearvvi eanemustá 595 000 euro sturrosaš loana várás.

Fitnodatsearvi lea oastimin Senaatti-kiinteistös ng. Njuorggáma rádjabearráigeahču doaibmasaji sihke Fuođđo- ja guolástanlágádusa (RKTL) giddodagaid oktan visttiiguin (890-401-12-15,890-893-12-2,890-402-3-10 ja 890-402-3-8). Gávpehaddi oktan váriidsirdinvearuin lea 437 000 euro. Ulbmilin lea divvut dáid giddodagaid, mat ostojuvvojit. Fitnodatsearvvis lea allareanttot loatna sierranas ruhtadeaddjiin badjelaš 103 000 euro (dilli 8.2.2010). Reantu dán loanain lea 4,5 – 5,5 proseantta gaskkas. Fitnodatsearvvi mihttomearrin lea lonuhit dáid loanaid hálbibuidda. Loahppaoassi loanain geavahuvvo sihke oastima vuloš ja dálá giddodagaid divvumii.

Kuntarahoitus Oy lea fállan fitnodatsearvái ruhtadeami vuollái (indikašuvdna 8.2.2010) 1.7 % reanttuin (sisttisid.marginála).

**Rektor-čuvgehusdoaimmahoavdda evttohus:** : Gielddaráđdehus evttoha váldostivrii, ahte gieldda mieđiha Kiinteistö Oy Ringinvatroi eanemustá 595 000 euro vuosttassaji dáhkádusa Kuntarahoitus Oy:s váldin loana várás.

**Mearráduš:** Áššegiedahalli Viljo Pesonen ja Esko Härkönen almmuheigga iežaska leat easttalačča giedahallat ášši ja vulggiiga čoahkkimis eret. Nubbin beavdegirjedárkkisteaddjin dán paragrafa áigái välljejuvvui Rauna Guttorm.

Boddu dmu 13.30-13.35.

Rektor-čuvgehusdoaimmahoavdda evttohus dohkkehuvvui.

23.3.2010

Váldostivra 7 § **Evttohus:** Váldostivra dohkkeha gielddaráđdehuse evttohusa.

**Mearráduš:** Gielddahoavda Viljo Pesonen almmuhii iežas leat easttalaš giedahallat ášši ja vulggii čoahkkimis. Merkejuvvui beavdegirjái, ahte ášši válmmaštallin ja áššegiedahallin doaibmi rektor-čuvgehusdoaimmahoavda Arja Alaraudanjoki lei mielde čoahkkimis.

Esko Härkönen almmuhii iežas leat easttalaš giedahallat ášši ja vulggii čoahkkimis. Su sadjái čoahkkimii oassálasttii guovddášbellodaga 4. várreáirras Pentti Morottaja.

Evttohus dohkkehuvvui.

Diehtun: Kiinteistö Oy Ringinvatro

Beavdegirjedárkkisteaddjiid nammabustávat	
---	--

## Guoibmevuhtasoahpamuš Sosiaalikehitys OY:in – ášši nr 8

21.8.2009

Gr 253 §

Riikkaviidosáš Onnistuvat opit –ruohtasmahttinfidnu (2009 – 2011) nanne máŋggaámmátlaš eiseváldiovttasbarggu daid nuoraid doarjuma dihte, geaidda ovttá sektora bálvalusat eai leat doarvái. Vuolggasadjin leat guovllu iežas dárbbut. Earenoamážit deattuhuvvo ovddidanbarggu bohtosiid ruohtasmahttin oassin normála barggu ja ovdáneaddji vuodđobálvalusaid. Deaddu fidnus lea Lappi ja Oulu leanain, muhto doaibmaguovlu gokčá maiddái Máttá-Suoma ja Oarje-Suoma leanaid.

Giieldat, bargobájit ja eará nuoraid bálvalusas doaibmit dorjojuvvojit guovlluide mieđihuvvon ovddidanruhtademiin, rávvemiin ja skuvlenprográmmain. Earenoamážit deattuhuvvo dat, ahte nuoraid bagadan- ja bálvalusfierpmádagaid plánemii oassálastet mearredeaddjit, bargit ja nuorat ieža. Eiseválddiid ovttasbargoválmmašvuodát buoriduvvojit nu, ahte fállujuvvo skuvlejupmi, mii čiekŋu ee. diehtosuodjái ja suollemassan doallannjuolggadusaide.

Fidnu ollašuhttet Sosiaalikehitys Oy (hálddašeaddji), Oahpetusalan koulutuskeskus ja Valtakunnallinen työpajayhdistys ry. Fidnu ollašuttojuvvo Manner-Suomen ESR –prográmma ja dan riikkaviidosáš ossodaga oassin. Fidnu ruhtada Lappi leanarádđehus.

Fidnu áigge ollašuttojuvvojit oktiibuot *guhtta rávvenbeaivvi*. Bagadeaddjin doaibmá skuvlejeaddji, bargorávvejeaddji Matti Näsi. Ulbmilin lea báikkálaš dárbbuid vuodul hukset bálvalusaide laktáseaddji ovddidanfáttáid, maidda fidnu áigge mannojuvvo čiekŋalabbui ja main boahti bohtosat ruohtasmahttojuvvojit árgabárggu oassin.

Ohcejoga gielda lea 23.6.2009 dahkan ovttasdoaibmasoahpamuša Sosiaalikehitys Oy:in. Soahpamuš lea mieldečuovvu materiálan. Vuosttas bagadallandilálašvuotta dollojuvvo 25.8.2009.

**Evttohus:** Giieldarádđehus mearrida hálddahusgottiid nammadit fidnui oassálastiid čuovvovaš láhkai: Oppalašhálddahus, teknikkalaš doaibma 1, ealáhusdoaibma 1, oahpahasdoaibma 3 ja sosiála- ja dearvvasvuodádoaibma 3.

**Mearráduš:** Evttohus dohkkehuvvui.

/..

## Guoibmevuhtasoahpamuš Sosiaalikehitys OY:in – ášši nr 8

/..§ 8

19.1.2010

Gr 17 §

Ovddit fidnu áigge lea Ohcejohkii plánejuvvon fidnu nuoraid oasálašvuodámalle ja nuoraid bargobádjedoaimma álggaheami várás. Dát fidnu lea oassi AVI (Lappi leanaráđdehus) ja Sosiaalikehitys OY hálddašan Onnistuvat opinnot – riikkaviidosaš joatkkafidnu. Dan oasi várás, mii ollašuhthtojuvvo Ohcejogas lea Onnistuvat opit -fidnu/ Sosiaalikehitys Oy várren 40.000 euro gieldda geavahussii nuoraid oasálašvuodámalle ja nuoraid bargobádjedoaimma álggaheami várás. Gieldda iežas ruhtadanoassi fidnui ii dárbbášuvvo. Gieldda lea čatnasan dasa, ahte, bargiin čohkkejuvvon mánggasuorggi eiseválddiid ovttabargojoavku oassálastá 6 beaivve doaimma nannejeaddji mánggasuorggát fierpmádaga doaimma láidesteapmái. Guoibmevuodasoahpamuš lea mieldečuovvu materiálan.

**Evttohus:**

1. Gielddaráđdehus dohkkeha guoibmevuhtasoahpamuša gieldda ja Sosiaalikehitys OY gaskii ja nammada sosiálačálli Päivi Salmisa fidnu hálldahuslaš oktavuohhta - ja vástuolmmožin.
2. Gielddaráđdehus evttoha váldostivrii várret fidnui 40.000 euro mearreruđa vuodđodorvolávdegotti proševttaide ja vástideaddji supmi proševtta boađuide.
3. Gielddaráđdehus addá fidnui álggahanlobi.
4. Gielddaráđdehus nammada stivrenjoavkun njunušjoavkku.

**Mearráduš:** Evttohus dohkkehuvvui.

23.3.2010

Váldostivra 8 §

**Evttohus:** Váldostivra dohkkeha gielddaráđdehusa evttohusa 40.000 euro mearreruđa buohta, muđui váldostivra merke mearrádusa diehtun.

**Mearráduš:** Evttohus dohkkehuvvui.

Diehtun: vuodđodorvolávdegoddi  
rehketdoallu

## Vuodđodikšu (50%) virggi heaittiheapmi – ášši nr 9

10.12.2009

Vuodđodorvolávdegoddi

§ 108

Seaŋgaossodagas lea 1.11.2009 deavddekeahtá 50% vuodđodikšu virgi.

**Válmmaštalli:** vs. ossodatdivššár Marja-Liisa Nikkanen**Válmmaštalli evttohus:** Vuodđodorvolávdegoddi evttoha váldostivrii ahte vuodđodikšu (50%) virgi heaittihuvvo.**Evttohus:** Vuodđodorvolávdegoddi dohkkeha válmmaštalli evttohusa.**Mearrádus:** Vuodđodorvolávdegoddi mearridii, ahte ášši máchahuvvo odđasis válmmaštallamii ja bivdá logahallama seaŋgaossodaga virggiin ja doaimmain ja maid das, man muddui báikkít leat devdojuvvon.

25.2.2010

Vuodđodorvolávdegoddi

§ 26

Seaŋgaossodaga virggit ja doaimmat:

**01.01.1994 Gieldaovttastumis sirdašuvvan virggit:**

- 1 (veahkke)ossodatdikšu virgi (mii nuppástuhtton ossodatdikšu virgin)
- 1 buohccedikšu virgi (nr: I)
- 5 vuodđodikšu virggi (nummirat: I-V)
- 1 oasseáigásaš vuodđodikšu virgi (50 %) (nr: VI)
- 3 lágádusveahkkebargi virggi (nummirat: I-III)

**Jahki 1997**

Vuodđodikšu virgi (V) nuppástuhtton buohccedikšu virgin (II, virgehálldašeaddji skuvlen iežas buohccedikšun)

**Jahki 2001**

Vuodđoduvvon odđa buohccedikšu virgi (III) ja dat lea devdojuvvon. Oasseáigásaš vuodđodikšu virgi (VI) mearreáigásaš jagi 2003 lohppii ja devdojuvvon.

**Jahki 2002**

Vuodđodikšu virggi (IV) hálldašeaddji lea báhcán oasseáigásaš ealáhahkii 50 % (1.2.2002), dás lea báhcán guorusin 50 % virgi. Vuodđodikšu lea báhcán ahkealáhahkii 1.11.2009 rájes.

**Jahki 2003**

Oasseáigásaš vuodđodikšu virgi (VI) heaittihuvvon ja vuodđoduvvon vuoddo-/lagašdikšu doaibma (VI), man dikšuma joatkán seamma

./..

## Vuodđodikšu (50%) virggi heaittiheapmi - ášši nr 9

./.. § 9

olmmoš, lassin doibmii lea laktojuvvon jagi 2002 guorusin báhcán 50 % vuodđodikšu (IV) barggut. Lágádusveahkkebargi virgi (III) heaittihuvvon (bargi cealkán iežas luovus), virgi nuppástuhtton buohccedikšu doaibman (IV), mii devdojuvvon.

**Jahki 2005**

Lágádusdikšu virggi (II) hálddašeaddji báhcán oasseáigeealáhahkii 50 %, dás báhcán guorusin 50 % virgi, mii ii leat devdojuvvon. Oasseáigásaš lágádusveahkkebargi báhcá ahkealáhahkii borgemánus 2011.

**Jahki 2009**

1.11. lea báhcán guorusin vuodđodikšu virgi (IV) 50% (virgehálddašeaddji ealáhahkii), mii ii leat devdojuvvon.

**Virggiid ja doaimmaid dilli 1.1.2010**

1 ossodatdikšu virgi, devdojuvvon  
3 buohccedikšu virggi (I-III), mat devdojuvvon  
1 buohccedikšu doaibma (IV) ,mii devdojuvvon  
3 vuodđodikšu virggi (I-III), mat devdojuvvon  
1 vuodđo-/lagašdikšu doaibma (VI), mii devdojuvvon  
1 vuodđodikšu virgi (IV), 50 %, ii devdojuvvon  
1 lágádusveahkkebargi virgi, mii devdojuvvon  
1 lágádusveahki virgi, mii devdojuvvon 50 % ja deavddekeahttá 50%.

**Válmmaštalli:** vs. ossodatdikšu Marja-Liisa Nikkanen

**Válmmaštalli evttohus:** Vuodđodorvolávdegoddi evttoha váldostivrii, ahte deavddekeahtes vuodđodikšu (50%) virgi heaittihuvvo.

**Evttohus:** Vuodđodorvolávdegoddi dohkkeha válmmaštalli evttohusa.

**Mearráduš:** Dohkkehuvvui.

9.3.2010

Gr 94 §

**Ehdotus:** Giieldaráđdehus evttoha giieldastivrii, ahte deavddekeahtes vuodđodikšu (50%) virgi heaittihuvvo vuodđodorvolávdegotti evttohusa mielde.

**Mearráduš:** Evttohus dohkkehuvvui

23.3.2010

Váldostivra 9 §

**Evttohus:** Váldostivra dohkkeha giieldaráđdehusa evttohusa.

**Mearráduš:** Evttohus dohkkehuvvui.

Diehtun: vuodđodorvolávdegoddi

---

Sosiála- ja dearvvasvuodadoaimma liigegeavahanvuoigatvuohta jahkái 2009 – ášši nr 10

9.3.2010

Gr

93 §

Vuodđodorvolávdegoddi lea čoahkkimisttis 25.2.2010 § 6 ohcan váldostivrras nugo čuvvosis boahdá ovdan liigegeavahanvuoigatvuođa sosiála- ja dearvvasvuodadoaimma manuide 34.067 euro, manuid liigegeavahus gokčojuvvo boađuid badjánemiin.

Liigegeavahus boahdá Lappi buohccidikšunbiire dikšungoasttádusaid dássemis dáhpáhuvvan dieđučoahkkemis šaddan feaillas, man geažil ovdal máhcahuvvon submi lea 118.670 euro boastot. Divvojuvvon submi, mii gildii máhcahuvvo lea 27.714 euro. Máhcahussupmi geahppáneami geažil geavahanekonomia bušehtas manno badjel manuid buohta 34.067 euro ja boađuid buohta 50.174 euro.

**Evttohus:** Giieldaráđdehus dohkkeha ja evttoha ain ovddos váldostivrii dohkkeheami várás vuodđodorvolávdegotti liigegeavahanvuoigatvuođa jahkái 2009 čuvvosa mielde sihke manuide ja boađuide 34.067 euro.

**Mearráduš:** Evttohus dohkkehuvvui.

23.3.2010

Váldostivra 10 §

**Evttohus:** Váldostivra dohkkeha vuodđodorvolávdegotti liigegeavahanvuoigatvuođa giieldaráđdehusa evttohusa mielde (čuovus).

**Mearráduš:** Evttohus dohkkehuvvui.

Diehtun: vuodđodorvolávdegoddi  
rehketdoallu

## Oktasaš bálvalusčuokkis – ášši nr 11

14.10.2008

Gr 276 § Roavvenjárgga gihligotti boleslágádus bivdá gielddas cealkámuša bolesa bálvalusčuokkesfierpmádagas 1.1.2009 doaimma álggaheaddji Lappi boleslágádusa guovllus. Cealkámuš bivdojuvvo addot mañimustá 20.10.2008. Cealkámušbivdagii laktáseaddji materiála lea čuovusmateriálan.

Boleshoavda Martti Kallio buktá ovdan ášši čoahkkimis.

**Ehdotus:** Evttohus addojuvvo čoahkkimis.

**Čoahkkimis addojuvvon evttohus:** Gielddas lea berostupmi dikšugoahhtit oktasaš bálvalusčuoggá, juos eará oassebeliiguin beassá soahpamuššii goasttádusaid juohkimis.

**Mearrádus:** Boleshoavda Martti Kallio buvtii ovdan ášši čoahkkimis.

Ilmari Tapiola evttohii, ahte sámegielat bálvalusaid galgá oktasaš bálvalusčuoggás dorvvastit.

Čoahkkimis addojuvvon evttohus oktan Ilmari Tapiolan evttohusain dohkkehuvvui.

22.2.2010

Eal.lg 15 § Ruhtaministeria 19.1.2010 beaiváduvvon girjji mielde gielddat ja gielddastivra ovtastumit sáhttet ohat jagi 2010 guorahallanvuloš stáhtadoarjaga oktasašbálvalusčuoggá vuodđudeapmái. Doarjaga sáhtta oazžut doarjagii vuoigadahtti goasttádusain eanemustá 70 %. Doarjaga oazžun ii váikkuot gieldda eará stáhtadoarjagiidda. Doarjja čujuhuvvo válđoáššis oktasašbálvalusa vuodđudangoasttádusaide, muhto sierra dáhpáhusas dan sáhtta oazžut maiddái bajásdoallangoasttádusaide. Doarjagii lea várrejuvvon oktiibuot 1 miljon euro jahkái 2010.

Ohcamušaid galgá sáddet 15.4.2010 diibmu 15.30 rádjai ruhtaministeriai. Doarjagiid juohkimis mearriduvvo 31.5.2010 rádjai.

Doarjaga miediheami eaktun lea, ahte gielda, álbmotealáhatlágádus ja stáhta virgeoapmahaš dahje virgeoapmahaččat leat gaskaneaset soahpan oktasašbálvalusa lágideamis ja goasttádusaid juohkimis.

Doarjja čujuhuvvo earenoamážit gielddaide ja guovlluide, gos bálvalusaid jearu deavdin lea guhkes gaskkaid dahje eará sierranas dili geažil heajumus. /..

## Oktasaš bálvalusčuokkis – ášši nr 11

/..§ 11

Doarjaga miediheamis váldojuvvo vuhtii earenoamážit doarjaga oažžu ruđalaš vejolašvuohta lágídit oktasašbálvalusa.

Doarjaga miediheamis váldojuvvojit vuhtii oktasašbálvalusa ordnema dárbu, viidodat ja 1. čuoggás máinnašuvvon soahpamuša sisdoallu. Doarjagii heivehuvvo stáhtadoarjjaláhka (688/2001).

Oktasašbálvalusčuoggá doaibmama álggaheamis Ohcejogas lea ráđđádallojuvvon TE/BE -doaimmahagain, bolesiin ja maistráhtain. Buohkain oassebeliin lea beroštupmi boahtit mielde oktasašbálvalusčuoggá doaibmamii, muhto doaimmain eai oččošii šaddat mearkkašahtti lassegoasttádusat.

Giielda ássiid dáfus geahččamiin doaibman galggašii dorvvastit ja millosit buoridit guovllus fitnašuvvi almmolaš bálvalusaid.

Gildii doaimmain eai oččošii šaddat matge eará nettogoasttádusat, earet maid iežas bálvalusaid buvttadeapmi dagaha. Juos stáhtahálddahusa báikkálašvirgeoapmahaččaide fállan bálvalusa buvttadeapmi buvttášii gildii lassegoasttádusaid, de livččii dát giieldalága vuostá stáhta bargguid sirdin giieldaide almmá dasa vuoigadahtti láhkaásaheami haga.

Ruhtaministeria ávžžuha juohkit oktasašbálvalusčuoggá goasttádusaid bargohattiid mielde. Mávssuid hattit leat seammát miehtá riikka molsašuddamiin iešguđetlágan bargguid mielde 4 – 7,9 €. Bargomearri šattašii Ohcejogas leat hui unnán, nu ahte daiguin ii sáhtášii gokčat gildii šaddi badjelmearálaš barggu, mii ii buvtte sisaboađu (omd. rávven suoma- ja sámegillii).

Oktasašbálvalusčuoggá ordnemii laktásit ollu giielda olggobeale dakkár áššehasbálvalusbarggut, main ii sáhte bearrat guimmiin bargomávssu (ee. iešbálvalusa bajásdoallu, áiggi dássái bidjan, rávven, nettibálvalusaid rávven, gáiddosbiergasiid geavaheapmi). Oktasašbálvalusčuoggás galgá maiddái dorvvastit sámegiela bálvalusaid. Nuppe dáfus bálvalusaid buvttadeapmi oktasašbálvalussan lea vejolašvuohta guimmiide (áel, boles, maistráhtta) fállat doaibmanguovllusteaset váilu sámegiela bálvalusaid. Oktasašbálvalusčuoggá sáhttáge boahttevuodas ovdánahttit maiddái virgeoapmahaččaid oppa riikka bálvaleaddji sámegiela telefonrávven-sadjin. Oktasašbálvalusčuoggá doaibmama eavttuhis gáibádussan lea liikkáge ahte doaimmaide galgá ordnet bargomávssuid buhtadeaddji bissovaš ruhtadeami.

Saji ordnen ja bargoveaga bargogovat bidjet iežas ráddjehusa dasa maid oktasašbálvalusčuoggás sáhttá buvttadit eará beliide ja maid giielda bargguid das sáhttá ollašuhttit. /..



---

Oktasaš bálvalusčuokkis – ášši nr 11

./..§ 11

9.3.2010

Gr 85 §

**Evttohus:**

1. Gielddaráddehus ohcá doarjaga álggahit oktasašbálvalusčuoggá doaimmaid ealáhuslávdegotti evttohusa mielde.
2. gielddaráddehus evttoha váldostivrii várret jagi 2010 bušehtii ealáhuslávdegotti evttohan mearreruđa.
3. gielddaráddehus bidjá doaimmaid álggaheami eaktun doarjaga oažžuma sadyeordnedemiid sihke bajásdoallama goasttádusaide

**Mearráduš:** Evttohus dohkkehuvvui.

23.3.2010

Váldostivra 11 §

**Evttohus:** Váldostivra dohkkeha gielddaráddehusa evttohusa mearreruđa buohta, eará oasis váldostivra merke mearráduša diehtun.

**Mearráduš:** Vd. ovddidan- ja ealáhusuoavda Hanna-Leena Talvensaari čilgii ášši áirasiidda.

Uula Tapiola evttohii, ahte mearreruhta ii miedihuvvo iige gielda searvva mielde oktasaš bálvalusčuoggá doaibmamii. Vuodustussan Tapiola buvttii ovdan, ahte gv. bálvalusaid berre seailluhit fásta eiseválddiin, dan láhkai gieldda ássiide dáhkiduvvojit buoremus bálvalusat. Samuel Paltto guottihii Uula Tapiola evttohusa.

Dasgo čoahkkimis lei dahkkojuvvon gielddaráddehusa evttohusa ektui earalágan guottihuvvon evttohus, de doaimmahuvvui nammačuorvunjienasteapmi, mas JAA lei gielddaráddehusa evttohus ja II Uula Tapiola guottihuvvon evttohus. Jienastanortnet dohkkehuvvui. Jienat addojedje oktiibuot 14, mas JAA jienat 12, II jienat 2. Jienastanlogahallan čuovusin nr 4. Jienasteami vuodul gielddaráddehusa evttohus dohkkehuvvui.

Diehtun: ealáhuslávdegoddi  
rehketdoallu

## Ohcejoga turismaimago ja guovllumárkanastima ovddideapmi – ášši nr 12

22.2.2010

Ealáh.lg 18 §

Váldostivrras dohkkehuvvon ovddidanplánas 2010 deattuhuvvo turisma ja guovllumárkanastima plánejuvvon ovdánahttima dárbu. Ohcejoga gieldda ekonomiaplánas deattuhuvvo turisma ja earenoamážit birrajagi turisma ovddideapmi jagi 2010.

Turismaáiggi viiduma dáfus lea deatamos, ahte guovllu dovdet ja ahte dat sierrana eará turismaguovlluin iežas mihtilmasvuodain. Dan várás lea dárbašlaš fidnet áigái guovllu oktasaš brändi, mainna báitá earáid siste, sihke dakkár visuála ja gulahallamii gulli čovdosiid, maiguin buktit ovdan beaktilit guovllu háliiduvvon miellagova. Dát doarju fitnodagaid iežaset márkastinviggamušaid, álkidahtta áššehasháhkama ja addá fitnodat-doalliide movtta hutkat áššehasaid miela miel buktagiid.

Guovllu fitnodatdoallit leat buktán ovdan sávaldagaid álggahit oktasaš guovllumárkanastima, hutkat guovllu ovttalágan bajiloainnu, ráhkadit guovllu birra muitaleaddji oktasašmárkastinmateriála, ordnet guovlo- ja gilioahpistantávvaliid sihke organiseret márkastima guovllus. Njuorggáma gilisearvi lea lassin evttohan gili turismainfo ordnema várás ráhkadit olgoahpistantávvaliid ja galbmainfočuoggá iešgudege sadjái Njuorggámis.

Ovddidan- ja ealáhusovda lea váldán čielgasa Ohcejoga turismaimago ovddideami ja guovllumárkanastima álggaheami vejolašvuodas projektaruhtademiin. Projeavtta ruhtadeami lea álgui ráddádallojuvvon Lappi ebi (Lapin ely)-guovddážiin (Vallivaara, Uusinkaus). Lappi lihttu (Lapin liitto) čujuha eanangotti ovdánahttinruđaid vuosttasajis stuorát guovloollislašvuodaid ovdánahttimii ja doarjja lea eanemustá 70 %. Projekta heive dan ovdii ebi-guovddáža doaimmanbirasdoarjja-projektan, dalle ruhtadeapmi sáhtášii leat eanemustá 80 %. Ohcejoga ráđđejuvvon ja plánejuvvon turismaguovllu ja imago hutkama ja imagomárkanastima álgui fidnema oidnet ebi-guovddáži deatlaššan. Vai áigumuša fidne álgui boahhte giđa, de dasa galggašii oážžut lassemearreruđa 23.3. váldostivrras. Maiddái ohcamuša galggašii guođdit nu johtilit go vejolaš.

Ealáhusdoaimma projektaprográmma čuoggas Leader ja eará projeavttat lea čanakeahtes ruhtadeapmi projeavttaide s. 10 000 €. Dán sáhtta atnit projeavtta nettoruhtadanoassái, dalle 20 % iežas ruhtadanoassiin projekta sáhtášii leat s. 50 000 e, almmá dan haga, ahte águmuš lasihivččii gieldda nettoruhtadeami.

/..

## Ohcejoga turismaimago ja guovllumárkanastima ovddideapmi – ášši nr 12

/..§ 12

Projeavtta vuodđodoaimmat:

- Potentiála čuožáhatjoavkkuid meroštallan, čielgasa völdin čuožáhatjoavkkuid vuordámušain ja mas čuožáhatjoavkkut leat beroštuvvan
- guovllu turisma háliiduvvon imago ja meroštallan fitnodatdoalliid dáfus geahččamiin boahttevuođagova, mii vuodđuduvvá ovddidanplána 2010 ja čuožáhatjoavkomeeroštallamii
- guovllu imagomárkanastima vuđđosiid meroštallan: (ee. visuála bajiloainnu, slogan, logo) sihke gulahallanplána ráhkadeapmi
- brändi konkretiseren dovddusin: guovllu imago, visuála bajiloainnu ja guđege gili sierramáhtolašvuoda doarju gielda- ja gilirávvengalbbat, turismasiiddut sihke imagomárkanastima materiála
- imagomárkanastima álggaheapmi gulahallanplána mielde
- márkanastima organiserema málliid ohcan ja báikkálaš plána ráhkadeapmi

Evttohus:

1. Lávdegoddi evttoha gielldaráđdehussii ja ovddos váldostivrii várret mearreruđa projektii. Ovddidan- ja ealáhusuoavda válmmaštallá evttohusa gielldaráđdehussii. Áigumušas guđđojuvvo projekta-ohcamuš gielldaráđdehusa gieđahallama maŋŋá ebi -guovddáži. Projekta álggahuvvo, juos váldostivra mieđiha lassemearreruđa.
2. Projekta- ja ohcamuš buktojit lávdegotti boahte čoahkkimii ja juos lávdegottis leat áigumuššii nupástusdárbbut, de dat evttohuvvojit ruhtadeaddjái.

Mearráduš: Dohkkehuvvo evttohusa mielde.

9.3.2010

Gr

86 §

Ohcejoga turismaimago ja guovllumárkanastima ovddideami várás leat ealáhuslávdegotti čoahkkima maŋŋá čađahuvvon dárkilut ráđđádallamat guđege ruhtadeaddjiin sihke dahkkojuvvon fidnoplána (lassemateriálan). Buot fidnoplánas ovdanboahhti doaimmaid sáhtá ollašuhtti Ebi (Ely) - guovddáža doaibmanbirasdoarjagiin, muhto investeremiid (gili- ja gieldaoahpistantávvalat) doarjjaproseanta lea 35 %. Ebi-guovddáža eananguovllufoandda doarjagiin investeremiidda sáhtá oazžut 70 % doarjaga. Ruhtadeami optimastima várás projekta lea juhkkujuvvon guoktin sierra projektan.

/..

## Ohcejoga turismaimago ja guovllumárkanastima ovddideapmi – ášši nr 12

./..§ 12

Doaibmanbirasfidnuin ollašuhttojuvvo turismastrategia ja márkanastin-gulahallanplána ráhkadeapmi, gulahallanmateriálaid plánen ja ollašuhttin sihke oahpistantávvaliid plánen. Eananguovllufoandda projeavttain ollašuhttojuvvojit doaibmanbirasdoarjagiin ráhkaduvvon plána vuodul gili- ja gielldaoahpistantávvalat. Projeavttaide ii bálkáhuvo sierra projeaktahoavda, muhto koordinastin dikšojuvvo ealáhusdoaimma iežas bargun ja ollašuhttin olggobeale áššedovdiid ja oastobálvalusaid vehkiin. Projeavttat bistet 1 jagi álggaheamis ja dat álggahuvvojit go ruhtadanmearrádusat bohtet giđđat 2010. Projeavttat juohkásit guovtte jahkái.

goasttádusat	2010	2011	oktiibuot
	39 500	75 500	115 000
ruhtadeapmi:			
doaibmanbirasdoarjja	22 125	26 625	48 750
eanguovlluruhtadeapmi	7 000	28 000	35 000
gieldda (netto)	(10 375)	20 875	31 250

Jagi 2010 nettoruhtadanoassi ii dagat gildii nettogoluid lassáneami, dasgo dat gokčojuvvo ealáhusdoaimma momeanttas Leader ja eará projeavttat.

Válmmaštalai vd. ovddidan- ja ealáhusuoavda.

Čoahkkin gullá vd. ovddidan- ja ealáhusuoavda Hanna-Leena Talvensaari muitaleami ášši birra.

**Evttohus:** Gielddaráđdehus evttoha váldostivrii, ahte projeavttaide várrejuvvo mearreruhta jahkái 2010 manut 39.500 euro, boadut 29.125 euro ja netto 10.375 euro, mii gokčojuvvo ealáhusdoaimma goasttádusbáikki Leader ja eará projeavttat mearreruđain.

**Mearrádus:** Evttohus dohkkehuvvui.

23.3.2010

Váldostivra 12 §

**Evttohus:** Váldostivra dohkkeha gielddaráđdehuse evttohusa.

**Mearrádus:** Evttohus dohkkehuvvui.

Diehtun: ealáhuslávdegoddi  
rehketdoallu

## Huksenortnet – ášši nr 13

1.4.2009

Tekn. lg 33 §

Huksendárkkisteaddji lea válmmaštallan ođđa huksenortnega, mii lea heivehuvvon Deatnojoga gáddeosseoppalašlávaid mearrádušaide ja muđuid vuodđun lea leamaš huksenortnet, mii lea fámus.

**Evttohus:** Teknihkalaš lávdegoddi dohkkeha huksendárkkisteaddji válmmaštan huksenortnega ja evttoha dan ain ráđđehussii ja stivrii nannenláhkai.

**Mearráduš:** Evttohus dohkkehuvvui.

28.4.2009

Gr 176 §

**Evttohus:** Giieldaráđđehus dohkkeha huksenortnega, mii lea čuovusin ja evttoha dan ain stivrii dohkkehanláhkai.

**Mearráduš:** Ságajodiheaddji evttohui, ahte siidui 12 čuoggái Johtolatorndedeamit lasihuvvo máinnašeapmi, ahte geaidnoláktalohpi galgá leat geaidnohálddahas ovdal huksenlobi mieđiheami, juos laktin dáhpáhuvvá almmolaš geidnui.

Evttohus dohkkehuvvui ságajodiheaddji evttohan lasáhusain.

1.6.2009

Stivra 57 §

**Evttohus:** Stivra dohkkeha huksenortnega, mii lea čuovusin.

**Mearráduš:** Giddodathoavda Toivo Partanen almmuhii, ahte huksenortnega guoski evttohusa lea sивva máhcahit ođđasit válmmaštallamii, daningo biraslohpevirgeoapmahaččaid eai leat gullan áššis.

Giieldastivra mearridii ovttamielalaččat máhcahit ášši teknihkalaš lávdegoddái ođđasit válmmaštallamii.

Doaibman: teknihkalaš lávdegoddi

8.7.2009

Tekn. lg 83 §

**Evttohus:** Teknihkalaš lávdegoddi bidjá huksenortnega oaidninláhkai nu mo giieldaid almmuhusat giieldas almmustahttojuvvojit ja cealkámušaid bivdima várás ERL 65 § ja ERÁ 6 § mielde 30 beaivvi áigái.

Válmmaštalai: huksendárkkisteaddji

**Mearráduš:** Evttohus dohkkehuvvui.

/..

## Huksenortnet – ášši nr 13

/..§ 13

9.10.2009

Tekn. lg 135 §

Huksenortnet lea leamaš oaidnin láhkai 30 beaivve áigge. Anára ja Ohcejoga birasovttadat lea addán cealkámušas ja kommenteren máŋga čuoggá huksenortnegis.

**Huksendárkkisteaddji evttohus:** Divvojuvvo Anára ja Ohcejoga birasovttadaga cealkámuša mielde čuoggái doaimmaid lobivulošvuohta, lasáhus: Guđege giddodaga bázahusčáhcevuogádaga huksen dahje nuppástuhtin.

Lasihuvvo čuoggái 7.2 cealkka: bázahusčáziid giedahallamis galgá čuovvut Ohcejoga gieldda birassuodjalanmearrádusaid.

**Mearráduš:** Huksenortnet guđđojuvvui beavddi ala.

18.11.2009

Tekn. lg 149 §

Lassin Lappi birasguovddáš lea maddái addán huksenortnegis iežas cealkámuša, mas dat lea buktán ovdan čuovvovaš fuomášumiid.

Čuoggái 3.2 Doaibmabijuid lohpe- ja almmuhanvulošvuohta, čuoggái 11 birasguovddáš lea evttohan, ahte grillagoađis gáibiduvvošii huksenlohpi. Lassin evttoha, ahte goađit, lávut, loddetoartnat ja ee. geavlehállat lasihuvvošedje čuoggái.

Válmmaštalli evttohus čuoggái 3.2: Lávdegoddi lasiha cealkámušas evttohuvvon čuožahagaid logahallamii ja meroštallá daid lobivulošvuođa dan láhkai, ahte goahti dárbbáša doaibmabidjoloji, ovtto, lávut ja loddetoartnat mannet almmuhusain, ovtto. Geavlehállá dárbbáša doaibmabidjoloji ovtto lávvaguovlluin ja eará sajis almmuhusa. Grillegoađi buohta ii dahkkojuvvo nuppástus.

Čuoggái 4.1 Lappi birasguovddáš lea evttohan lasihit cealkaga ”vistti gaska geidnui...” galggašii joatkašuvvat ná: orostallamii oaivvilduvvon šilju, man šlápmađassi ii mana badjel 55 dB, goittotge uhcimustá...”

Válmmaštalli evttohus čuoggái 4.1: lávdegoddi lasiha evttohuvvon cealkaga joatkaga dainna lasihemiin ahte gažaldagas lea beaivvi áigge šlápmaárvu.

Čuoggái 5.2 Lappi birasguovddáš lea evttohan, ahte dálloallovisttiide lasihuvvo maddái sávdni. Lassin Lappi birasguovddáš buktá ovdan, ahte sin oainnu mielde maddái smáittes, láigoheapmái oaivvilduvvon visti, man rusttetđassi lea smávis, galgá gehččojuvvot váldovistin, mas hápmašuvvá huksensadji.

/..

## Huksenortnet – ášši nr 13

## ./..§ 13

Lassin Lappi birasguovddáš lea buktán ovdan, ahte evttohuvvon stuorámushuksenvuoigatvuodát ássanhuksema 500 k-m<sup>2</sup> ja luopmohuksema 300 k-m<sup>2</sup> viehka stuorrán, go dárkkuhuvvo guđege huksensaji huksenvuoigatvuohta. Lassin Lappi birasguovddáš evttoha visttiid eanemusmearrái čujuheami huksenvuoigatvuodas.

Válmmaštalli evttohus čuoggái 5.2: lávdegoddi ii lasit logahallamii sávnni, dasgo sávndi ráhkadussan lea maiddá sierra giedahallojuvvon huksenortnegis ja meroštallojuvvon sierra vistin maiddáí EHL:s. Šiljuid geasseáigge láigohanláhkai idjadanvisttit buohta ii dahkkojuvvo nuppástus.

Čuoggás ovdanbuktojuvvon huksenvuoigatvuodát, mat gusket lávva-viidodagaid olggobeale guovlluid huksenvuoigatvuodaide eai dahkkojuvvo nuppástusat, mii laktása maiddáí visttiid eanemusmearrái guoski meroštallamii. Sápmelaš/davvebađaguovllu huksenvieru mielde buot áššiin/dárbbuin galgá leat sierranas visti ja lassin nuppe sajis huksenortnegis lea mearrádus, ahte huksenbáikkis oazžu leat dušše okta váldogeavahusulbmilii oaivvilduvvon visti.

Čuoggát, mainna lea máinnašuvvon huksenbáikki sajis viessosadji (donte), divvojuvvojit.

Čuoggái 6.1 Lappi birasguovddáš lea evttohan bihtá, mii álgá sániiguin ”Eará sadjái earet Deatno- ja Ohcejohleahkái oazžu hukset...” buohta ahte mearkkašupmi báhcá eahpečielggasin.

Lassin Lappi birasguovddáš lea evttohan, ahte sávnni sturrodaga galggašii ráddjet.

Válmmaštalli evttohus čuoggái 6.1: lávdegoddi gávnna, ahte čuokkis masa čujuhuvvo lea dahkkojuvvon dan dárkkuhusa várás, ahte huksenmearrádusat heivehuvvojit earáláhkai rávdnjás váldojogaid gáttiin go jávrra ja smávva jogaid guovllus, dasgo gažaldagas lea dulvviide ja daid allodahkii laktáseaddji ášši. Čuokkis ii dárkkut dat, ahte sávnni huksen ii dárbbáš huksenlobi.

Sávnni sturrodagáibádusaide ii dahkko nuppástus (vrd. ovddit čuokkis).

Eará muđuid huksenortnet lea gehččojuvvon deavdit dasa biddjojuvvon gáibádusaid.

./..

## Huksenortnet – ášši nr 13

./..§ 13

Lávdegoddi buktá ovdan huksenortnega gielddaráđđehussii ja ovddos váldostivrii dohkkeheami várás.

**Mearráduš:** Evttohus dohkkehuvvui dahkkojuvvon nuppástusaiguin. Divvojuvvon huksenortnet, mii lea čuovusin, evttohus gielddaráđđehussii ja ain ovddos váldostivrii. Dán paragrafa gieđahallama áigge dollojuvvui boddu dmu 11.25 – 11.33.

2.12.2009

Gr 360 §

**Evttohus:** Gielddaráđđehus dohkkeha huksenortnega, mii lea čuovusin, teknikkalaš lávdegoddi evttohusa mielde ja evttoha dan ovddos váldostivrii dohkkeheami várás.

**Mearráduš:** Evttohus dohkkehuvvui.

15.12.2009

Váldostivra 106 §

**Evttohus:** Váldostivra dohkkeha huksenortnega, mii lea čuovusin, gielddaráđđehusa evttohusa mielde.

**Mearráduš:** Giddodathoavda Toivo Partanen muitalii ášši birra váldostivrra lahtuide.

Áššis gevvojuvvon ságastallama maŋŋá váldostivrra ovtamielalaččat mearridii máhcahit huksenortnega teknikkalaš lávdegoddi ođđasit válmmaštallamii.

Diehtun: teknikkalaš lávdegoddi

22.1.2010

Tekn. lg 16 §

Váldostivra lea máhcahan huksenortnega divvunláhkaai bázahusčáziid gieđahallama oasis.

Čuokkis 7.2 BÁZAHUSČÁŽIID GIEĐAHALLAN čuodjá divvuma maŋŋá

Dehálaš bodnečáhceguovlluin bázahusčáziid galgá golggahit gieđahallanláhkaai bodnečáhceguovllu olggobeallai bázahusčáhcelágádussii dahje buot bázahusčáziid várás galgá leat jeahkkivuoda dáfos gittagáivo, man sáhtta bearráigeahččat.

Gáddeguovlluin berre váldit vuhtii bázahusčáhceláhkaásahusa ja birassuodjalanmearrádusaid gáibádusaid.

Eanavuodđogiedahallamis galgá buktit ovdan plána gieldda birassuodjalan-eiseváldái (eanavuoddu čohkiidus).

Bázahusčáziid gieđahallamis galgá čuovvut Ohcejoga gieldda birassuodjalanmearrádusaid..

./..

## Huksenortnet – ášši nr 13

./..§ 13

**Čuokkis 7.3 SIERRAMEARRÁDUSAT DEHÁLAŠ BODNEČÁHCE-GUOVLLUIDE** čuodjá divvuma maŋŋá

Dehálaš bodnečáhceguovlluin oljo- ja boaldámuštánkkaid ja eará váralaš materiálahaid lihtiid ja vuorkkáid galgá sajuštit eatnama ala ja hukset daidda suodjeáldáid ja luovtti.

Dehálaš bodnečáhceguovlluin šilljo- ja parkerensajiid gieračáziid ja suolleájačáziid golgama bodnečáziide galgá eastit. Dán várás galget leat heivvolaš rusttegat ja vejolaččat dárbbášlaš lobit.

Go huksejuvvo dehálaš bodnečáhceguovlluide, de gáibiduvvo biraseiseváldi cealkámuš.

**Evttohus:** Lávdegoddi evttoha huksenortnega giieldarádđehussii ja ain váldostivrii dohkkehanláhkai.

**Mearráduš:** Evttohus dohkkehuvvui oktan dahkkon nuppástusaiguin.

17.2.2010

Gr 56 §

**Evttohus:** Giieldarádđehus dohkkeha huksenortnega, mii lea čuovusin, teknikkalaš lávdegotti evttohusa mielde ja evttoha dan ovddos váldostivrii dohkkeheami vuollái

**Mearráduš:** Giddodathoavda Toivo Partanen muitalii ášši birra čoahkkimis.

Ságadoalli evttohii, ahte čuoggás 4.2 sihkkojuvvo eret cealkka: Boares árbevirolaš johtinbálgáid ala dahje rastá huksen ii leat sávahahti. Esko Härkönen ja Rauna Guttorm guottiheigga ságadoalli evttohusa.

Evttohus dohkkehuvvui ságadoalli evttohan nuppástusain.

23.3.2010

Váldostivra 13 §

**Evttohus:** Váldostivra dohkkeha giieldarádđehusa evttohusa mielde huksenortnega, mii lea čuovusin.

**Mearráduš:** Esko Härkönen evttohii, ahte huksenortnet máhcahuvvo ođđasit teknikkalaš lávdegodđái válmmaštallamii. Väinö Guttorm guottihii Esko Härkösa evttohusa.

Váldostivra dohkkehii Esko Härkösa evttohusa ovttamielalahččat.

Diehtun: teknikkalaš lávdegoddi

## Čáhceátvsttaid bajideapmi – ášši nr 14

22.1.2010

Tekn. lg 10 §

Čáhcelágádusas lea ovddabealde doaibmama stáđasmahttin dakkáražžan, ahte buhtes čázi dorvvasteapmi áššehasaide ja bázahusčáziid eret golggaheapmi lea dorvvastuvvon ja bargu dahkko fámus leahkki lágaid, láhkaásahusaid ja mearrádusaid vuodul.

Bargguid dikšun gáibida olmmošresurssaid doaimmahakkii ja gieddebargui.

Maiddái barggu dikšun gáibida bistevaš fuolahus-, divvun- ja investerenbarggu ja kvalitehta čuovvuma.

Mii gártat bálkáhit čáhcelágádussii fásta ollesbeaivásaš dikšu dán giđa áigge.

Čáhcefuolahuslága 4 logu 18 paragrafa vuosttas momeanttas daddjo, ahte čáhcefuolahusa mávssut galget leat guhkes áigegaskkas dakkárat, ahte dat gokčet lágádusa investeremiid ja bajásdoallangoluid.

Seamma paragrafa goalmát momeanttas daddjo, ahte gieldda, stáhta ja Eurohpa uniovnna ruhtaváriiguin sáhtta doarjut čáhcefuolahusa. Doarjagiin lea fámus dat, mii dain sierra ásahuvvo.

Čáhcefuolahuslága 4 logu 20 paragrafas daddjo, ahte gieldda čáhcefuolahuslágádusa rehketdoalu galgá doallat sierra gieldda rehketdoalus ja lágádus galgá ráhkadit sierra rehketdoalu rehketdoallobajiid mielde.

Čuvvosis 4 lea bukton ovdan vihtta sierra ovdamearkka das, mo čáhcelágádusa mávssuid oažžut lágain ásahuvvon dássái.

**Evttohus:** Mávssut bajiduvvojit nu ahte dat leat čuovus 4 dáhpáhusa 3 mielde.

**Mearrádus:** Evttohus dohkkehuvvui. Čáhcemávssut bajiduvvjit 6,35 euroi (álv 0%).

27.1.2010

Gr 38 §

**Evttohus:** Giieldaráđdehus dohkkeha teknihkalaš lávdegotti evttohusa ja evttoha távsttaid ovddos giieldastivrii nannema várás. Lassemateriálan lea rehkenastin távsttain.

**Mearrádus:** Esko Härkönen evttohii, ahte ášši giedahallan sirdojuvvo boahhte čoahkkimii. Rehket, mii lea lassemateriálan, galgá leat dárkilabbot rehkenastojuvvon ja dan berre doaimmahit giieldaráđdehusa lahtuide buriin áiggiin ovdal čoahkkima. Rauna Guttorm guottihii Esko Härkösa evttohusa. Esko Härkösa evttohus dohkkehuvvui ovttamielalaččat. /..

## Čáhceávsttaid bajideapmi – ášši nr 14

./..§ 14

17.2.2010

Gr 57 §

**Evttohus:** Giieldaráddehus dohkkeha teknihkalaš lávdegotti evttohusa ja evttoha távsttaid ovddos váldostivrii nannema várás. Lassemateriálan lea rehket távsttain.

**Mearráduš:** Giddodathoavda Toivo Partanen muitalii ášši čoahkkimis.

Esko Härkönen evttohii, ahte giieldaráddehus bajida távsttaid čuoggá 1 mielde nuppiin sániin 4,98 euro (álv. 22 %). Elle Aikio guottihii Esko Härkösa evttohusa ja evttohii lassin, ahte čáhcelágádusa buohta buktojuvvo sierra gieđahallama vuollái maiddái lágas mearriduvvon ovddidanplána.

Giieldaráddehus dohkkehii Esko Härkösa ja Elle Aikio evttohusaid. Giieldaráddehus mearridii evttohit čáhcelágádusa távsttaid bajidemiid váldostivrii dohkkeheami várás dan láhkai, ahte ođđa távsttat bohtet fápmui 1.6.2010. Lassin giieldaráddehus mearridii, ahte teknihkalaš lávdegoddi galgá sierra válmmaštallat čáhcelágádusa laktásanmávssuid dárkkisteami.

9.3.2010

Gr 78 §

Dan rehkenastima, mii lei ovdan giieldaráddehusa čoahkkimis, molssaeaktu 1 čuovvu táksta 4,98 euro lea buhtes čázi ja bázahusčázi oktasaš haddi. Rehkenastin lea mieldečuovvu materiálan.

**Evttohus:** Giieldaráddehus dohkkeha čázi oppalaš haddin 4,98 euro (álv. 0%) ja evttohan távstta ovddos váldostivrii dohkkeheami várás.

**Mearráduš:** Evttohus dohkkehuvvui.

23.3.2010

Váldostivra 14 §

**Evttohus:** Váldostivra dohkkeha čázi oppalašhaddin 4,98 euro (álv. 0%) giieldaráddehusa evttohusa mielde.

**Mearráduš:** Evttohus dohkkehuvvui.

Lassin celkojuvvui, ahte ođđa táksta bohtá válmmaštallama mielde fápmui 1.6.2010.

Diehtun: teknihkalaš lávdegoddi

---

Ekonomiijageahčatat – ášši nr 15

23.3.2010

Váldostivra 15 §

Gielddahoavda buktá ovdan ekonomiijageahčastaga.

**Evttohus:** Merkejuvvo ekonomiijageahčastat diehtun.

**Mearrádus:** Merkejuvvui diehtun.

---

Čoahkkinbovdehusas máinanškeahtes eará hohpolaš áššit – ášši nr 16

23.3.2010

Váldostivra 16 §

**Mearráduš:** Eai lean.

---

Beavdegirjedárkkisteaddjiid nammabustávat	
---	--

---

Áššit diehtun – ášši nr 17

23.3.2010

Váldostivra 17 §

**Mearráduš:** Eai lean.

---

Váidinčujuhhus – ášši nr 18

23.3.2010

Váldostivra 18 §

**Mearráduš:** Laktojuvvo beavdegirjái.

---

Beavdegirjedárkkisteaddjiid nammabustávat	
---	--